

Մ. Լ. Հովհաննիսյան

ՌԵԶ ՊՈՍՊՈՆԻՏԱՅԻ ՀԱՅԿԱԿԱՆ ԻՆՔՆԱՎԱՐ ՕՐԳԱՆՆԵՐԸ

Հայտնի է, որ հայերը արևմտաուկրաինական հողերում երևացել են դեռևս Գալիցյա-Վոլինյան իշխանության գոյության ժամանակաշրջանում (X—XIV դդ.)¹։ Դալիցյան իշխաններից էլ նրանք ստացան ինքնավարության իրավունք և ստեղծեցին իրենց ազգային ինքնավար հիմնարկությունները։

XIV դ. կեսերին այդ իշխանության տերիտորիան միացվեց լեհական պետությանը։ Սակայն լեհական տիրապետության հաստատումը քիչ թե շատ էական փոփոխություններ չմտցրեց հայերի ինքնավարության իրավունքի մեջ։ հայկական օրգանները առաջվա պես շարունակեցին կատարել այն շորս հիմնական ֆունկցիաները, որոնց քննարկմանն է նվիրված սույն հոդվածը։

Որոնք էին այդ ֆունկցիաները։

Եթե դատելու լինենք այն արտոնագրերից (przywilej), որոնց համաձայն հայերը ձեռք բերեցին Ռեչ Պոսպոլիտայի քաղաքներում ինքնավար օրգաններ ունեցող ազգային համայնքներ ստեղծելու իրավունք, ապա դուրս կգա, որ Լեհաստանի հայերի ինքնավարության իրավունքը հանգում էր լուրջ ինքնուրույն դատական իշխանության իրականացմանը, իշխանություն, որն զգալիորեն սահմանափակված էր քաղաքի տիրակալի կամքով և լեհական պետության օրենքներով։

Արդ, լեհ թագավոր Կազիմիր III 1356 թ. հունիսի 17-ի հայտնի արտոնագրում տսված է, որ Լվովի հայերը մյուս ոչ-կաթոլիկ ազգությունների հետ մեկտեղ ձերբավունք ունեն քննել սեփական գործերը և դրանց վերաբերյալ վճիռներ կայացնել իրենց իսկ ժողովրդի իրավունքի հիման վրա...²։ Ինչպես տեսնում ենք, խոսքն այստեղ վերաբերում է դատական ենթակայությանը և դատարանավարությանը միայն։ Եթե ծանոթանանք նման կարգի այլ արտոնագրերի բովանդակությանը, նույնը կգտնենք նաև այնտեղ։

Սակայն դա միայն առաջին տպավորությունն է. հայկական ինքնավար շրջանների պրակտիկ գործունեության վերաբերյալ նյութերի ուսումնասիրությունը ցույց է տալիս, որ այդ օրգանների ֆունկցիաները բոլորովին չեն սահմանափակվել սոսկ դատական բնույթի հարցերով։ Կարելի է նույնիսկ ենթադրել, որ այդ օրգանները սկզբնապես, Գալիցյա-Վոլինյան իշխանության գոյության ժամանակաշրջանում առաջ են եկել որպես ոչ այնքան դատական, որքան հասարակական-վարչական իշխանություն, ճիշտ է, բավականաչափ սահմանափակ իրավունքներով։ Դատական ֆունկցիան նրանք, ամենայն հավանականությամբ, ձեռք բերեցին ավելի ուշ շրջանում, երբ Լվովում, Կամենեց-Պոդոլսկում և այլ քաղաքներում առաջացել էին խոշոր և տնտեսապես զորիղ հայ համայնքներ (XIII դ. երկրորդ կես—XIV դ. առաջին կես)։

¹ A. Czołowski, Pogląd na organizację i działalność dawnych władz miasta Lwowa do 1848 r., Lwów, 1896, էջ 9։

Ինչ վերաբերում է լեհական տիրույթատության շրջանում այդ օրդանների կատարած ֆունկցիաներին, ապա լեհ բուրժուական խոշոր իրավագետ Օսվալդ Մալցերի կարծիքով Լվովի հայկական վոյտովյունը (XIV դ. 50-ական թվ. — 1469 թ.) հայկական համայնքում դատական իշխանությունը իրականացնելու հետ մեկտեղ, կատարում էր նաև մի շարք այլ ֆունկցիաներ՝ Որինակ, Լվովի հայոց վոյտը հանդիսանում էր այսպես կոչված iudicium generala-ի անդամ²։ Դա մի դատարան էր, որը կազմված էր ուսական վոյեվոդության³ հասարակայնության դանադան ներկայացուցիչներից իրենից իսկ՝ վոյեվոդից, երկու եպիսկոպոսներից, մի քանի շլյախտիչներից ու քաղաքացիներից, ինչպես նաև հայոց վոյտից։ Դատարանում նախագահում էր թագավորական աստարոստան⁴։ Դատարանի իրավասության էին պատկանում հիմնականում շլյախտայի հողային սեփականության վերաբերյալ գործերը⁵։ Սակայն Լվովի քաղաքացիների և հայերի մասնակցությունը դատարանում խոսում է այն մասին, որ այդտեղ քննվում էին նաև նրանց դատական գործերը։

Այսպիսով, բոլոր Թալցերի, հայոց վոյտը որպես հայ ինքնավարության ղեկավար մասնակցում էր ամբողջ վոյեվոդության դատական գործերի քննարկմանը։ Թալցերը ցույց է տվել նաև, որ Լվովի հայկական վոյտովյունը լեհական իշխանությունների առջև հանդես էր գալիս որպես հայկական համայնքի ներկայացուցիչ, ինչպես նաև որպես սեչափահասների խնամակալ, կտակներ տնօրինող, լիազոր անձ՝ իրավական հարցերի քննարկման ժամանակ և այլն⁶։

Սակայն Թալցերը նշում է միայն Լվովի հայոց ինքնավար օրդանի ֆունկցիաները։ Մինչդեռ Արևմտյան Սկրախնայի բոլոր հայաբնակ քաղաքների հայկական ինքնավար օրդանների գործունեության վերաբերյալ նյութերի ուսումնասիրությունը թույլ է տալիս պարզորոշ կերպով տարբերել չորս հիմնական ֆունկցիաներ։ 1. դատական իշխանության իրականացումը հայկական համայնքում, 2. լեհական իշխանությունների առջև համայնքի, ինչպես նաև նրա առանձին անդամների և խմբերի ներկայացուցչություն, 3. իրավաբանական միջնորդությունը առևտրա-ֆինանսական և քաղաքացիական գործարքներում, 4. հայկական եկեղեցու գործերի ղեկավարությունը։

Այդ ֆունկցիաներից ամենազգեսալորը, իհարկե, դատական ֆունկցիան էր, որի իրականացման իրավունքից օգտվում էին բոլոր քաղաքների հայկական ինքնավար օրդանները։

Հայկական օրդանների դատական իշխանությունը տարածվում էր այն հայերի վրա, որոնք մշտական բնակություն էին հաստատել Ռեչ Պոսպոլիտայի քաղաքներում, բացառությամբ միայն նրանց, ովքեր կաթոլիկություն էին ընդունել կամ օգտվում էին գերմանական իրավունքից։ Սակայն այս վերջինների թիվը մինչև եկեղեցական բռնի սիուիությունը (XVII դ. կեսերը) այնքան էլ մեծ չէր։

Հայոց դատարանում որպես զլխավոր դատավոր հանդես էր գալիս հայոց վոյտը, որը պարտավոր էր լավ իմանալ հայկական ստատուտի օրենքները⁶։

² O. Balzer, Sądownictwo ormiańskie w średniowiecznym Lwowie, Lwów, 1909, էջ 41։

³ Այդպես էր կոչվում Գալիցյան Ռուսիան լեհական թագավորության կազմում։

⁴ Balzer, Sądownictwo, էջ 176—177։

⁵ Նույն տեղում, էջ 43։

⁶ Այսպես էր կոչվում Մխիթար Գոշի պատաստանագրքի լեհաստանում կիրառությունը գտած տարբերակը։

Դատարանի անդամներ կամ երդվյալ դատավորներ էին հայ ավագները կամ լավնիկները՝ որոնց թիվը տարբեր ժամանակներում ու տարբեր քաղաքներում տարբեր էր։ Մի հին արձանագրության մեջ, որինակ, նշվում է, որ 1444 թ. Լվովի հայկական պատարանի անդամներ էին՝ Mikolaj-ը, Jakob Fasser-ը, Kacryko Telakowicz-ը, Bohdan-ը, et alii seniores consilii Armenorum⁷, ալսինքն ավելի քան չորս հոգի։ Նման մի ուրիշ արձանագրությունից (1489 թ.) երևում է, որ նրանք արդեն վեց հոգի էին (Telak, Chaczerysz, Iwaschko, Almas, Lazar et Dimosch)⁸, 1563 թ. ինչպես այդ վկայում է լեհ թագավոր Սիգիզմունդ Ավգուստի ղեկրեստը, Լվովի հայոց դատարանը բաղկացած էր 12 անդամից։ Հստ որում մեկ տարի աշխատում էին վեցը, իսկ հետևյալ տարին նրանց փոխարինում էին մյուս վեցը⁹։ Դատարանի կազմի կեսի մամենամյա փոփոխության պրակտիկան թելադրվում էր նրանից, որ հայոց դատավորները լինելով առևտրականներ, չէին կարող մշտապես քաղաքում գտնվել։ Այդ պատճառով էլ մեկ տարի նրանք աշխատում էին, իսկ մյուս տարին կարող էին իրենց առևտրական գործերով բացակայել քաղաքից։

XVII—XVIII դդ. նույնպիսի կազմ ունեին նաև Ստանիսլավի (ներկայումս Իվանովո-Ֆրանկովո)¹⁰, Ռաշկովի¹¹, Յազլովեցի¹² հայկական դատարանները։ Բայց Կամենեց-Պոդոլսկում, Ջամոստյեում և մի շարք այլ վայրերում կային արդեն ավելի պակաս թվով դատավորներ։ Օրինակ, Կամենեցում նրանց թիվը հասնում էր ութի¹³, Ջամոստյեում 1626 թ.¹⁴ չորսի, իսկ 1636 թ.¹⁵ տասի։ Դատարանի իրավասության համար պարտադիր չէր համարվում նրա բոլոր անդամների ներկայությունը։ Ջամոստյեում պարտադիր կերպով դատական նիստին մասնակցող դատավորների թիվը կախված էր քննարկվող գործի կարևորությունից։ Դեպքեր էին լինում, երբ Ջամոստյեի հայոց վոյտը դատում էր Նույնիսկ երկու լավնիկների ներկայությամբ («lewlori momenti»)¹⁶, Լվովում այս անհրաժեշտ միջնամուր կազմում էր չորս դատավոր¹⁷։ Դատական նիստին վոյտի մշտական մասնակցությունը նմանապես պարտադիր չէր, քանի որ նա նույնպես առևտրական գործերով էր զբաղվում։ Վոյտի բացակայության ժամանակ նրա պարտականությունները կատարում էր իր տեղակալը կամ երեցփոխանը, որը նման դեպքերում ստանում էր վոյտի նշանը։ Երբ բացակայում էին

⁷ Լեհերեն՝ դատավոր։

⁸ Ուկրաինական ՍՍՌ-ի Լվովի գրադարան, ձեռագրերի բաժին, akta grodzkie i ziemskie, Կ. XIV, № 1151։

⁹ Նույն տեղում, akta grodzkie i ziemskie, Կ. XV, № 2030։

¹⁰ Jan Ptasnik, Walki o demokratyzację Lwowa od XVI do XVIII wieku, (Kwart. hist., rocznik XXXIX, zeszyt 2), Lwów, 1925, էջ 250։

¹¹ Cz. Chowaniec, Ormianie w Stanisławowie w XVII i XVIII wieku, Stanisławów, 1928 (էջերը չի նշված)։

¹² Մ. Բժշկանց, Ճանապարհորդություն 'ի Լեհաստան, ՎՆՆԵՄԻԿ, 1830, էջ 163։

¹³ S. Barącz, Rys dziejow ormiańskich, Ternopol, 1890, էջ 90։

¹⁴ T. Gromnicki, Ormianie w Polsce, ich historia, prawa i przywileje. Warszawa, 1889, էջ 70։

¹⁵ M. Zankręwska-Dubasowa, Organizacja gminy ormiańskiej w Zamosciu w XVI—XVIII wieku (Rocznik lubelski, III, Lublin, 1960), էջ 73—74։

¹⁶ Նույն տեղում, էջ 73—74։

¹⁷ T. Gromnicki, սլգ. աշխ., էջ 93—96։

¹⁸ Կամենեց-Պոդոլսկ քաղաքի հայկական դատարանի արձանագրությունները, Աշխատանքային Վ. Գրիգորյանի, Երևան, 1963, էջ 329։

և վոյտը և երեցփոխանը, դատարանի անդամները իրենք վոյտի պարտակա-
նությունների ժամանակավոր կատարող էին նշանակում: Ընդ որում նա, ով փո-
խարինում էր վոյտին, ըստ երևույթին, ինքն էլ կոչվում էր վոյտ: Միայն այս-
պես կարելի է բացատրել այն փաստը, որ դատական արձանագրություններում
չափազանց կարճ ժամանակամիջոցում որպես վոյտ հանդես են գալիս տարբեր
անձնավորություններ, թեև հայտնի է, որ վոյտը ընտրվում էր առնվազն մեկ
տարի ժամկետով: Այսպես, օրինակ, Կամենեց-Պոդոլսկի հայկական դատա-
րանի նիստերում հանդես են գալիս՝ 1574 թ. հուլիսի 16-ին վոյտ Դեմյանը,
1574 թ. հուլիսի 27-ին՝ վոյտ Սարգիսը, 1574 թ. հուլիսի 29-ին՝ նորից վոյտ
Դեմյանը, 1574 թ. օգոստոսի 2-ին՝ վոյտ Սարգիս Զախնոն, 1574 թ. սեպտեմ-
բերի 7-ին՝ վոյտ Տեմուշը¹⁹: Վոյտի բացակայության դեպքում, եթե նրան փո-
խարինողը թույլ էր տալիս անվաճել արարք, ապա դատարանը իրավասու էր
որոշում ընդունելու նրան փոխելու մասին²⁰:

Դատական նիստը բացում էր վոյտը, ավանդական ճառ արտասանելով՝
դատական պրոցեսը արդարացի վարելու մասին: Դատը սկսվում էր միայն այն
ժամանակ, երբ ներկա էին լինում շահագրգռված երկու կողմերը: Սկզբում լսում
էին հայցվորի (aktor) բողոքը և մեղադրյալի (pozwany) բացատրությունները,
ապա իրենց ցուցմունքներով հանդես էին գալիս վկաները: Այնուհետև դատա-
րանն անցնում էր գործի քննարկմանը և դատավճռի կայացմանը²¹: Ինչպես
մեղադրական ելույթը և մեղադրյալի բացատրությունները, նույնպես և վկա-
ների ցուցմունքներն ու դատարանի կայացրած վճիռը արձանագրվում էին դա-
տարանի մատյաններում և վավերացվում հայկական դատարանի կնիքով: Եթե
դատավճիռը չէր բավարարում կողմերից մեկին, ապա սա իրավունք ուներ
բողոքարկել այն:

Հայկական դատադանները ղեկավարվում էին Մխիթար Գոշի Դատաստա-
նագրքի օրենքներով: Այդ օրենսգիրքը որոշ ազդեցություն էր կրել Ռեչ Պոս-
պոլիտայի քաղաքների մեծ մասում կիրառվող մազդեբուրգյան կամ գերմանա-
կան իրավունքից, որոշ փոփոխություններ էլ այնտեղ մտցրել էր լեհ թագավոր
Սիգիզմունդ I, 1519 թ. լեհական սեյմում այդ դատաստանագիրքը հաստա-
տելու կապակցությամբ: XIX դ. կեսերին, երբ հայկական դատարանը վաղուց
ի վեր լուծարքի էր ենթարկվել ավստրիական իշխանությունների կողմից, հայ-
կական ստատուտով սկսեցին հետաքրքրվել լեհ, ավստրիացի և գերմանացի հե-
տազոտողները: Դրա շնորհիվ, նրա տեքստը լատիներեն և լեհերեն լեզվով հրա-
տարակվեց Վ. Վոյչիցկու²², Ս. Բարոնչի²³, Օ. Բալցերի²⁴ և ուրիշների կողմից²⁵:

¹⁹ Նույն տեղում, էջ 263, 265, 266, 272, 276,

²⁰ Նույն տեղում, էջ 329, № 549:

²¹ Մ. Թ ժ չ կ ե ա ն ց, նշված աշխատ., էջ 172—175:

²² K. Wl. Wojcicki, Biblioteka starożytna pisarzy polskich, I, 1843, էջ 31—137:

²³ S. Barącz, Rys dziejow ormiańskich, Ternopol, 1869.

²⁴ Studia nad historią prawa polskiego, 5. III, Լվով, 1908, էջ 401—538:

²⁵ Անհրաժեշտ է նշել, որ բոլոր այդ հրատարակությունները, որոնք ի դեպ, կրում են բուր-
ժուա-կղերական պատմագրության կնիքը այսօր չեն կարող մեղ ընդարարելու Այսպիսով, Մխի-
թար Գոշի Դատաստանագրքի տարրերակներից մեկը՝ միջնադարյան հայկական իրավունքի այդ
բացառիկ, արժեքավոր հուշարձանը, որին վիճակված էր հարյուրամյակների ընթացքում հիմք
հանդիսանալ Ռեչ Պոսպոլիտայի հայկական գաղութի դատա-իրավական հարաբերությունների
կարգավորման համար, մինչև այժմ համարյա անհայտ է մեր հանրապետության գիտական աշ-
խատողների լայն շրջաններին, քանի որ այն երբեք չի հրատարակվել հայերեն կամ ռուսերեն

Արխիվային րազմաթիվ նյութեր ցույց են տալիս, որ հայկական ինքնավար օրգանների ղեկավարները դատական ֆունկցիայի իրականացման հետ մեկտեղ հաճախ տարբեր հարցերի կապակցությամբ հանդես էին գալիս լեհական իշխանությունների առջև որպես հայկական համայնքի ներկայացուցիչներ։ Այս նոր դերում հայ ինքնավար օրգանների ղեկավարներին ամենից շատ մենք տեսնում ենք լեհական թագավորների թագադրության ժամանակ։ Ժամանելով Կրակով կամ Վարշավա, հայ համայնքների ներկայացուցիչները նորընտիր թագավորին հավաստիացնում էին, որ հայերը միշտ հավատարիմ կմնան Ռեչ Պոսպոլիտային։ Անհրաժեշտության դեպքում նրանք հենց այդտեղ էլ թագավորին էին ներկայացնում իրենց համայնքների խնդրագրերը իրավունքների ընդլայնման կամ առևտրի ու արհեստագործության պայմանների բարելավման մասին։

Տեղեկություններ կան այն մասին, որ Կամենեց-Պոդոլսկում հայ ինքնավար օրգանների ընտրության ժամանակ ընտրում էին նաև մեկ պատգամավոր, որի միակ պարտականությունն էր Կամենեցի հայերի անունից մասնակցել լեհ թագավորների թագադրությանը²⁶։ Ըստ լեհաստանում գոյություն ունեցող սովորությունների՝ յուրաքանչյուր նորընտիր թագավոր իր անունից հաստատում էր այն բոլոր շնորհներն ու արտոնությունները, որոնք տրվել էին իր մերձավոր և հեռավոր նախորդների կողմից առանձին քաղաքների, առանձին համքարությունների, առևտրական կորպորացիաների և նույնիսկ առանձին անձանց։ Այդ սրտաճառով էլ, թագավորների փոփոխությունից հետո բոլոր արտոնագրերը ներկայացվում էին նորընտիր թագավորի հաստատմանը։ Այդ բանում հատկապես շահագրգռված էին հայերը, որովհետև նրանց իրավունքների վրա մշտապես ոտնձգություններ էին կատարում լեհական մագիստրատները։

1633 թ. մեկնելով Վլադիսլավ IV թագադրությանը, Լվովի հայ ինքնավարության ներկայացուցիչներ Քշիշտոֆ (Քրիստափոր) Թումանովիչը և Դանիել Հոլուբովիչը թագավորին հավատարմության երգում են տալիս և նույն թվականի մարտի 10-ին ստանում Լվովի հայերի բոլոր արտոնագրերի հաստատումը²⁷։

Հայ պատգամավորները թագավորին էին ներկայանում ոչ միայն իրենց արտոնագրերի և իրավունքների հաստատման, այլև նորերը ստանալու նպատակով։ Այդ բանի համար հսյ համայնքներում ընտրում էին մեկ կամ երկու վստահելի անձ, որոնց հաստատում էին հայկական մագիստրատում կամ դատարանում, ապա նրանց տալիս էին որոշ քանակությամբ դրամ կամ արծեքավոր իրեր (գորգեր կամ թանկարժեք առարկաներ), հավանաբար, նվերների համար և հատուկ նամակով դրանց ուղարկում Կրակով կամ Վարշավա։ Օրինակ, Կամենեց-Պոդոլսկի հայկական մագիստրատը նման հարցեր է քննարկել 1567 թ. ապրիլի 14-ի և 1574 թ. փետրվարի 12-ի իր նիստերում։ Առաջին դեպքում մագիստրատը որոշել է Սիգիզմունդ Ավգուստ թագավորի մոտ ուղարկել

լեզուներով, Կարծում ենք, որ իրավունքի պատմության մեր մասնագետները կհետաքրքրվեն այդ հարցով և, վերապես, կիրականացնեն հայկական ստատուտի հայերեն թարգմանությունը և տպագրությունը։

²⁶ Antoni J., Nowe opowiadanie historyczne, Lwów, 1883, էջ 142—143։

²⁷ S. Barącz, Նշվ. աշխատ., էջ 121—122։

պան Կյուրեղին, տալով «նրան և ուղեկից անձանց 205 լեհական ֆլորին և չորս գորգ զանազան նվերների համար»²⁸։ Նրկորոգ դեպքում թագավորի մոտ է ուղարկվել երգվյալ դատավոր (լավնիկ) Մելքոնը, որը ծախսերի համար ստացել է լեհական 60 և լիտվական 3 ֆլորին²⁹։

Հայկական ինքնավարության ղեկավարները ընդունելություններ էին կազմակերպում ի պատիվ լեհ և օտարազգի բարձրաստիճան հյուրերի։ Լվովի հայ ավագները հաճախակի էին ընդունում թագավորական խորհրդականներին, հատուկ կոմիսարներին, վոյեվոդին և ուրիշներին 1497 թ. նրանք ճոխ ընդունելություն կատարեցին նույնիսկ ի պատիվ խաչակիրների օրդենի մեծ մագիստրոս Իոհան Տյեֆենցու, որը պատերազմելու էր մեկնում թուրքերի դեմ³⁰։ Նման մի ընդունելություն կազմակերպեց 1572 թ. սեպտեմբերի 18-ին Կամենեցի հայ ղեկավարությունը ի պատիվ Վալախիայի վոյեվոդ Բոդզանի, որն այդ ժամանակ հյուրընկալվում էր Պոդոլյեի սուարոստա իշխան Պոտոցկու մոտ³¹։ Կենսականորեն շահագրգռված լինելով առևտրի և արհեստագործության պայմանների բարելավմամբ, լեհահայերը ակտիվ ընդունելություններ կազմակերպում էին այս կամ այն իշխանի պատվին ի նշան երախտագիտության՝ հայերին այդ գործում ցույց տված օգնության և օժանդակության։

Բերված փաստերից պարզ երևում է, որ դատական իշխանության իրականացման հետ մեկտեղ, հայկական ինքնավար օրգանները հայ համայնքին վերաբերող քաղաքական, տնտեսական և այլ հարցերում հանդես էին գալիս որպես այդ համայնքի ներկայացուցիչներ։ Այդ փաստերը հաստատում են, որ հայ համայնքների ներկայացուցչությունը հայ ինքնավար օրգանների գործունեության շափազանց կարևոր բնագավառներից մեկն էր։ Հայ օրգանների այս նոր դերը այնքան սովորական ու անհրաժեշտ էր դարձել, որ առանց որևէ առարկության այն ճանաչում էր գտել լեհական բարձր իշխանությունների կողմից։ Հայ համայնքին վերաբերող հարցերում լեհ իշխանությունները հաշվի էին նստում ինքնավար օրգանների ղեկավարության հետ։ Ահա մի փաստ։ Հայտնի է, որ հայերի, ուկրաինացիների և ոչ-կաթոլիկ մյուս ազգությունների համեմատությամբ Ռեչ Պոսպոլիտայի քաղաքներում լեհերն ու գերմանացիները օգտվում էին անհամեմատ լայն իրավունքներից։ Դրեթե նույնպիսի առևտրական իրավունքներից էին օգտվում նաև այն հայերը, որոնք օգտվում էին գերմանական իրավունքից։ XVII դ. սկզբներին, երբ ավելի հաճախ էին հայերը հայոց իրավունքից անցնում գերմանականին, որը, անկասկած, սպառնում էր հայ համայնքի գոյությանը, Լվովի հայ ավագները խնդրեցին թագավորին արգելել այդ անցումները։ Դրան հետևած թագավորական դեկրետի հիման վրա Լվովի քաղաքային խորհուրդը (rada miejska) որոշեց խստիվ արգելել հայերի գերմանական իրավունքներին անցնելն առանց հայ ավագանու համասլատասխան հանձնարարության³²։ Իսկ 1679 թ. Յան Սորեսկի թագավորը Լվովի քաղաքային խորհրդին հրամայեց հայերի վրա հարկեր և տուրքեր չդնել առանց հայ

²⁸ Կամենեց-Պոդոլյեի հայկական դատարանի արձանագրությունները, էջ 95, № 6։

²⁹ Նույն տեղում, էջ 212, № 245։

³⁰ S. Barącz. Rys. էջ 109—110։

³¹ Ղ. Ալիշան, Կամենեց, Վենետիկ, 1896, էջ 41։

³² Պիշոֆ, Լեհահայոց հին իրավունքը, Վիեննա, 1893, էջ 40։

սովագանու գիտություն և համաձայնության³² Այդպես էին լեհ իշխանությունները հաշվի առնում հայ ինքնավար օրգանների կարծիքը:

Այսուհանդերձ լեհ ֆեոդալները այդ օրգանները երբեք չէին նույնացնում տեղական իշխանության օրգանների հետ: Առհասարակ Ռեչ Պոսպոլիտայի հայերին տրված ինքնավարության իրավունքը նրանց կատարյալ անկախություն չէր բնթողում: Հայկական դադութի մշտապես հետևում էր լեհական պետության հիմնական օրենքներին և ենթարկվում լեհ վերադաս իշխանություններին: Ներքին ինքնավարության իրավունքը ապահովում էր առանձին հայ համայնքի գոյությունը՝ ազդային իրավական, կրոնական և այլ սովորությունների ու նորմերի հիման վրա: Այդ իրավունքը հայերին էր բնթողվել պետության հանդեպ նրանց ունեցած մեծ ծառայությունների համար և, հիմնականում կոչված էր խթանելու հայերի առևտրա-արհեստագործական գործունեությունը, մի բան, որից, ինչպես հայտնի է, չափազանց մեծ օգուտներ էին քաղում լեհական թագավորները, մագնատներն ու շլյախտան: Լեհ ֆեոդալ-քաղաքատերերը հայերին տրված իրենց արտոնագրերում մշտապես բնթողում էին այն միտքը, որ հայերին բնակության հրավիրելով իրենց քաղաքներում, իրենք նպատակ ունեն նրանց միջոցով զարգացնել առևտուրն ու արհեստները, նպաստել իրենց քաղաքների հարստացմանն ու բարգավաճմանը:

Ասկայն հայ օրգանները երբեմն փորձեր էին կատարում բնդայնելու իրենց ֆունկցիաները և ամբողջ քաղաք ենթարկելու իրենց իշխանությանը: Այդպիսի մի փորձի մասին մեզ հայտնի է Կամենեց-Պոդոլսկի հայ ինքնավարության գործունեությունը: 1719 թ. մարտի 26-ին Կամենեցի լեհական քաղաքագլուխ Նիկոլայ Պավլիչը բողոքում էր հայոց վոյտ Միկոլայի դեմ՝ մեղադրելով նրան լեհական վոյտին ամենևին հաշվի չառնելու, ինքնակամ կերպով ամբողջ քաղաքի կառավարման գործը զավթելու, իր սեփական օրենքները սահմանելու, իրեն և՛ վոյտ, և՛ քաղաքագլուխ, և՛ քաղաքային խորհրդական համարելու մեջ³³:

Նման դեպքերը, սակայն, ծայրահեղ բացառիկ երևույթ էին, և կոպիտ սխալ կլինեք դրանց հիման վրա չափազանցված ներկայացնել հայ օրգանների իրավասությունը:

Այսպիսով, հանդես գալով հայ համայնքների ներկայացուցիչների դերում, ինքնավար օրգանները կարևոր դեր էին խաղում հայկական համայնքների և լեհական իշխանությունների փոխհարաբերությունների կարգավորման բնագավառում: Սակայն ինքնավար օրգանները, ինչպես նշեցինք, չէին փոխարինում պետական իշխանությունների օրգաններին:

* * *

Հայ ինքնավար օրգանների գործունեության մեջ նշանակալից տեղ էր զբաղում ղանադան կտակների, առքի-վաճառքի, ամուսնական պայմանագրերի և նման այլ ակտերի կատարումը: Հայերի միջև կնքված այդ պայմանագրերն ու համաձայնագրերը իրավական ուժ էին ստանում այն բանից հետո միայն, երբ վավերացվում էին հայկական օրգանների կողմից և արձանագրվում այսպես կոչված ակտային մատյաններում:

Այդ համաձայնագրերը ուժի մեջ մտնելուց հետո հայ օրգանները հետևում էին դրանց իրագործմանը: Ամուսնական պայմանագրերը սովորաբար կնքվում

³² S. Barącz, Rys, էջ 127.

³³ Архив Юго-Западной России, Мамн V, к. 1, էջ 279—282.

էին փեսացուի և հարսնացուի ծնողների միջև: Դրանք փոխադարձ պարտավորություններ էին պարունակում ամուսնության պայմանների վերաբերյալ (օժիտ և այլ դրամա-ունեցվածքային հարցեր)³⁵ Այն դեպքում, երբ կողմերից մեկը խախտում էր պայմանագիրը, հավական օրգանը ակտիվորեն միջամտում էր պարծին և խախտող կողմին ստիպում էր կատարել պայմանագիրը:

Դրանից բացի հայ օրգանները զրեթե ամեն օր մասնակցում էին առևտրա-ֆինանսական համաձայնագրերի և գործարքների կնքմանը: Օրինակ, երբ հայ վաճառականը իր ապրանքը վաճառում էր ապառիկ, գնորդի հետ միասին նա ներկայանում էր հայոց մադիստրատ կամ դատարան և այդ մասին հայտարարություն անում: Հենց այդտեղ էլ գնորդը պարտավորություն էր ստանձնում զնված ապրանքի արժեքի մուծման ժամկետի վերաբերյալ: Երբեմն վաճառողի կամքով հայոց դատարանը իր վրա էր վերցնում վաճառված ապրանքի արժեքը ստանալու պարտականությունը³⁶:

Նման պայմանագրային բաղմամբիվ գործերում հայոց օրգանները հանդես են գալիս միջնորդի, արբիտրի դերում: Դա էլ հանդիսանում էր այդ օրգանների երրորդ հիմնական ֆունկցիան: Ի միջի այլոց, երբեմն չափազանց դժվար էր գտնել այն սահմանագիծը, ուր ավարտվում էր հայ օրգանների դատական ֆունկցիան և սկսվում այս երրորդ, միջնորդության ֆունկցիան, քանի որ դրանք իրենց բնույթով միմյանց շատ մոտիկ էին: Տարբերությունը, այնուամենայնիվ, կայանում էր նրանում, որ տվյալ երրորդ ֆունկցիան վերաբերում էր բացառապես պայմանագրային գործերին: Բացի այդ պայմանագրերի կնքման և վավերացման դեպքում պարտադիր էր դատարանի բոլոր ատրիբուտների և պայմանների առկայությունն ու պահպանումը (դատարանի անդամների, վկաների ներկա լինելը և այլն): Գործը դատական բնույթ էր ստանում միայն այն դեպքում, երբ խախտվում էր պայմանագիրը և այդ մասին բողոք ներկայացվում դատարանին:

Այսպիսով, դատական և միջնորդական ֆունկցիաների իրականացման շնորհիվ հայոց օրգանները հնարավորություն էին ստանում միջամտելու տեղի հայերի տնտեսական, քաղաքացիական, գույքային և այլ հարաբերություններին, դրանց վրա ակտիվորեն ներգործելով օրենքի ուժով: Այդ ֆունկցիաների կատարումը մեծացնում էր հայ ինքնավար օրգանների նշանակությունը գաղութի սոցիալ-տնտեսական կյանքում:

* * *

Ինքնավար օրգանների շնորհիվ հիմնական ֆունկցիան անխղճորեն կապված էր եկեղեցու գործունեության հետ: Այդ ֆունկցիայի վերաբերյալ նյութերը մեր առջև բացում են մի չափազանց հետաքրքիր պատկեր: Պարզվում է, որ Ռեչ Պոսպոլիտայի հայ եկեղեցու իրավական վիճակը մեծ չափով տարբերվում էր միջնադարյան Հայաստանում գտնվող եկեղեցիների դրությունից: Հայտնի է, որ Հայաստանում XV—XVIII դդ. եկեղեցիները իրենց ներքին գործերում ինքնուրույն էին (չհաշված նվաճողների անօրինական ոտնձգությունները): Ռեչ Պոսպոլիտայում սակայն այդ ինքնուրույնությունը սահմանափակված էր միայն այն հարցերի շրջանակներով, որոնք բացառապես վերաբերում էին կրոնական ծիսակատարություններին: Ընդհանուր հարցերում նրանք լիովին ենթարկվում

³⁵ Կամենեց-Պոդոլսկի հայ դատ. արձանագր., էջ 189—190, № 450:

³⁶ С. Balzer, նշված աշխ., էջ 14—45:

էին հայ ինքնավար օրգաններին: Այսպես, օրինակ, նրանք եկեղեցական ունեցվածքի վրա կարգադրութիւն անելու իրավունք չունեին, որովհետեւ այն համարվում էր հայ բնակչութեան սեփականութիւնը և, այդ պատճառով էլ գտնվում էր: համայնքների աշխարհիկ ղեկավարների տնօրինութեան տակ: Լվովի հայկական եպիսկոպոսութիւնը ինքնուրույն չէր և գործում էր հայ ավագանու համաձայնութեամբ նույնիսկ ղուտ եկեղեցական այնպիսի հարցերում, ինչպիսիք էին կղերականների նկատմամբ դատավարութեան իրականացումը և առանձին եկեղեցիների հոգևոր ղեկավարներ նշանակելը: Եկեղեցու և հայ ինքնավար օրգանների միջև նման հարաբերութիւնների վկայութիւն է հաշատուր եպիսկոպոսի «խոստումը», որ նա տվել է 1467 թ. Լվովի հայ եկեղեցու առաջնորդ ընտրվելու առթիւ: Այդ «խոստումն» մեջ մենք կտրոգում ենք հետևյալը. «Եվ ես նվաստ եպիսկոպոս հաշատուր խոստացա կատարել առաջի Աստծո. նախ՝ եկեղեցիներին և ընչիցն հրաման չանենք՝ առանց տանուտիրաց հրամանին: Բ, որ քահանայից մտոցն ձեռնամուխ չի լինիմք: Եւ ոչ նոքա իմ մուտքաց, որպէս առաջի հայրապետութեան ժամն էր: Գ, որ զայս տեղացս իրիցանուն զդատն ու դատաստանն ի տեղս այնենք հետ տանուտիրացն եւ այլ տեղ չի ձենենք, Դ, որ զքահանա կամ զսարկավաղ առանց տանուտիրաց հրամանին չի այնենք: Եւ որ անհասուկ խնամութիւն կամ այլ անհաս բան կաշառքով չանենք. այլ թէ մահու թէ կենաց ինչ որ յուրեանց կարեացն հոգով բաժին հանեն, կամ տան՝ զայն առնունք. եւ այլ աւելի չպահանջենք: Այլ եւ եկեղեցապան եւ հայրապետ ղեկու հրամանք չանենք առանց տանուտիրացն հրամանին: Եւ այլ ինչ բան որ լինայ կամ դատաստան հոգևոր կամ մարմնաւոր, առանց տանուտիրացն չայնենք»³⁷:

Նման խոստումները սովորական երևույթ էին Լեհաստանի հայկական գաղութի կյանքում: Դրանք տրվում էին գրավոր՝ որպէս գաղութի առջև եպիսկոպոսի պարտավորութիւն³⁸: Շենց միայն այն փաստը, որ պաշտոնին անցնելու ժամանակ Լվովի հայ եկեղեցու առաջնորդները որոշակի պարտավորութիւններ էին ստանձնում Լվովի հայ օպիպանու առջև, պարզորոշ կերպով վկայում է եկեղեցու նկատմամբ հայ աշխարհիկ հիմնարկների ունեցած ղեկավար դերի մասին:

Մի շարք աղբյուրներ ուղղակի ցույց են տալիս, որ հայ ինքնավար օրգանները եկեղեցու նկատմամբ իրենց վերահսկողութիւնը իրականացնում էին հատուկ օրգանի միջոցով, որը կազմված էր այսպէս կոչված պրովիդորներից (provisor)³⁹՝ վոյտի տեղակալ երեցփոխանի գլխավորութեամբ: Այս օրգանը գրաւվում էր եկեղեցիների, վանքերի և այլ կրօնական շինութիւնների վերանորոգման և շինարարութեան հարցերով, ինքնավարութեան ղեկավարութեան սնունդի կարգադրութիւններ էր անում եկեղեցու ունեցվածքի և նյութական միջոցների տնօրինութեան վերաբերյալ, տոնական օրերի և հանդիսավոր ծիսակատարութիւնների համար պահում էր երաժիշտների և երգիչների խումբ և այլն: Նույնիսկ մատաղի հասարակ նախաստեղծ անասունները բաց էին թողնու-
վում միայն այս օրգանի կարգադրութեամբ⁴⁰:

37 Գ. Ա. Ա., Նիկոլ եպիսկոպոս և պատմութիւն դարձին Հայկազանց Լեհաստանի ի կաթողիկոսութիւն, «Արարատ» (ամսագիր), Վաղսրշապատ, 1877, էջ 47—48:

38 T. Gromnicki, Նշված աշխ., էջ 16—17:

39 M. Zakrzewska-Dubasowa, Նշված աշխ., էջ 113:

Եկեղեցու նկատմամբ հայ ինքնավար օրգանների ղեկավար զերր հատկապես մեծացավ բռնի եկեղեցական միության դեմ հայ բնակչության մղած պայքարի նախնական շրջանում (XVII դ. առաջին կես)։ Հենվելով հայ լայն զանդվածների աջակցության վրա, ինքնավարության ղեկավարները պաշտպանում էին հայ եկեղեցու ինքնուրույնությունը, ծանր պայքար էին մղում ճիզվիտների և ամբողջ կաթոլիկ ռեակցիայի դեմ, որոնք ձգտում էին հայերի շրջանում բռնի կերպով կաթոլիկություն սերմանել։ Բայց, չնայած, դա աղղապահական համար մղվող պայքար էր։ 1630 թ. պաշտպանելով հայ բնակչության ցասումնալի բողոքը՝ րնդդեմ անօրինական հանապարհով Լվովի առաջնորդարանը զավթած Նիկոլ եպիսկոպոս Թորոսովիչի սանձարձակությունների, Լվովի հայ ինքնավարության ղեկավարությունը արգելեց զավթած եպիսկոպոսի մուտքը հայոց եկեղեցի և դատական գործ բացեց նրա դեմ։ Միայն Թորոսովիչի կողմից օգնության կանչված լեհական դորքը և կաթոլիկ ռեակցիան զավթածին փրկեցին ժողովրդի արդարացի դատից։

Չնայած իրենց քաղաքական և կրոնական իրավունքների համար մղած պայքարին, այդ անհավասար մարտում հայերն, այնուամենայնիվ, ստիպված եղան նահանջել և ի վերջո ընդունել հայ եկեղեցու միությունը Հռոմի կաթոլիկ եկեղեցու հետ։ Սակայն նույնիսկ զրանից հետո հայ ինքնավար օրգանները պահպանեցին իրենց ղեկավար զերր եկեղեցու նկատմամբ։ Օրինակ, 1665 թ. ցանկանալով երկու խրճիթ կառուցել կաթոլիկ հոգևորական Կղեմես Գալանոսի համար Նիկոլ եպիսկոպոսը հարկադրված էր խնդրել հայ ավագանու համաձայնությունը⁴⁰։

Բայց XVII դ. երկրորդ կեսին՝ հայ եկեղեցու վրա Հռոմի եկեղեցու ազդեցության ուժեղացման հետևանքով, այն դուրս եկավ հայ ինքնավար օրգանների ենթակայությունից։ 1684 թ. Լվով ժամանած կաթոլիկ եպիսկոպոս Գեոգոր Ներսեսովիչը Լվովի հայ ավագանուն հեռացրեց եկեղեցու գործերի ղեկավարությունից, իսկ հետևյալ տարին նրանից վերցրեց եկեղեցու պահեստների բանալիները, որոնք, ինչպես վկայում է մի հիշատակարան, «այլևս երբեք նրանց չվերադարձրին»⁴¹։

Դա մի ծանր հարված էր հայ աշխարհիկ հիմնարկությունների հեղինակությանը, որոնք առանց այն էլ կորցրել էին իրենց երբեմնի նշանակությունը՝ իր քաղաքական և տնտեսական օրհուսր ապրող Ռեչ Պոսպոլիտայից հայերի հեռանալու կապակցությամբ։

Հայ ինքնավար օրգանների ղեկավարությունից եկեղեցու դուրս գալը ծայրահեղ բացասական ազդեցություն ունեցավ հայկական գաղութի վրա։ Եկեղեցին դարձավ հյու գործիք Հռոմի և լեհական ռեակցիոն շրջանների ձեռքին, որոնք այն օգտագործեցին լեհահայերի ձուլման (ասիմիլյացիայի) խնդիրը իրականացնելու համար։

Այսպիսով Ռեչ Պոսպոլիտայի հայկական ինքնավարության շուրջ հիմնական ֆունկցիաները, որոնց շրջանակներում ծավալվում էր ինքնավարության օրգանների ամբողջ գործունեությունը, չափազանց կարևոր դեր էին խաղում լեհահայերի հասարակական-տնտեսական հարաբերությունների կարգավորման գործում։

⁴⁰ S. Baracz, էջ 121-123

⁴¹ Նույն աղբյուր, էջ 125։

Դրանք, իհարկե, առաջին հերթին եղնում էին հայ առևտրա-արհեստավորական հարուստ վերնախավի շահերից, բայց ինքնուրուիքյան հասկանալի է, որ իրավական նորմերի պահպանմամբ որոշակիորեն շահադրդոված էին նաև հասարակության ստորին խավերը (pospolstwo):

М. Л. Оганесян

ОРГАНЫ АРМЯНСКОГО САМОУПРАВЛЕНИЯ В РЕЧИ ПОСПОЛИТОЙ

Р е з ю м е

Согласно привилегиям польских королей и владельцев частно-феодалных городов органы армянского самоуправления Речи Посполитой были призваны осуществлять судебную власть в армянской общине. Однако в действительности, как показывают материалы об их практической деятельности, наряду с этим они выполняли ряд других функций.

1. Первая из них заключалась в осуществлении судебной власти, которая распространялась на армян, проживающих в армянской общине. Исключение составляли лишь те армяне, которые являлись католиками или пользовались немецким городским правом.

Как армянский войт, который председательствовал на суде, так и члены суда (старшие, советники, лавники) избирались в армянской общине и утверждались владельцем города.

Армянский суд действовал на основании армянского статута — польского варианта Судебника Мхитара Гоша.

2. Органы армянского самоуправления часто выступали перед польскими властями в роли представителей армянских общин. От имени общины они принимали участие в коронациях польских королей, представляли владельцам городов просьбы общины о расширении торговых и других прав армян, организовывали приемы в честь высокопоставленных польских и иностранных лиц в знак благодарности за их содействие и поддержку армянам. Представительство общины было второй функцией органов армянского самоуправления. Эта функция нашла признание у польского правительства. Однако правительство никогда не отождествляло органы армянского самоуправления с местными органами власти.

3. Органы армянского самоуправления в качестве посредников принимали активное участие в заключении между армянами договорных актов (акты купли-продажи, брачные договоры и т. п.).

4. Четвертая основная функция органов армянского самоуправления заключалась в повседневном руководстве делами армянской церкви в Речи Посполитой. Армянские церкви были самостоятельны только в осуществлении богослужения, в остальных же вопросах (распределение материальных средств и имущества церквей, назначение духовных глав отдельных церквей и т. д.) они полностью находились в подчинении армянских светских органов.